



(گوجری لوک کہانی)

اک تھو شیخ چلی

اک تھو شیخ چلی۔ وہ ایک باری جنگل مالکڑی کپے کرے تھو، اتنا ما اُتوں کوئی جنوں
لنگیو۔ وہ اس نا لگو کہن تُوں بُن ڈھے جے گو۔

شیخ چلی نے جواب دتو ”جا جا! تناں بڑو پتو ہے۔ توں کوئے خدا آ گیو ہے“ جس
ویلے ڈالو کیو تے وہ بُن ڈھے گیو۔ شیخ چلی اس آدمی کو لے دوڑتو پوچھو تے اُت اُس نا
جاگے لگو کہن۔ ”تُوں بڑو سیانو ہے، تناں سب کچھ پتو ہے۔“
جنو لگو کہن ”تُوں بیوقوف ہے۔“

شیخ چلی لگو کہن ”ہوں نہیں منتو۔ توں مناں دس ہوں کد مڑوں گو“ وہ لگو کہن ”مٹاں
کے پتو ہے“ وروہ منے ہی نہیں تھو۔

آخر اس نے اُس کی بھاں ما اک دھا گو بدھ چھوڑیو تے کہیو جدیوہ دھا گو ٹٹے گو
توں مر جے گو۔

شیخ چلی چلے گیو۔ اک جگہ راہ ما گجھ گیدرا کھیڈیں تھا۔ ویہ اس نا لگا کہن ”آ توں بھی مہارے
سنگ کھیڈ“ وہ لگو کہن ”میری بھاں ماں یوہ دھا گو جھڑو بدھیو وے یوہ ٹٹ جے گوتے ہوں
مر جاؤں گو۔ اس گلوں نہیں کھیڈ تو“ ویہ لگا کہن ”ہم نہیں توڑتا تیرو دھا گو۔ توں مہارے
نال کھیڈ“ بس وہ کھیڈن لگ پیو۔ کھیڈتاں کھیڈتاں شیخ چلی کی بھاں کو دھا گو ٹٹے گیوتے
وہ لگورون تے کر لان۔

وہ ایک پرانی قبر مالمو پے گیو۔ اس رستے کوئی سوداگر لنگھے کرے تھو۔ وہ اس نا لگو
”پچھن“ توں اس قبر ما کیوں بڑھیو وے؟“ شیخ چلی بولیو ”میرو دھا گو ٹٹے گیو ہے تے ہوں
مر گیو ہاں“

سوداگر نے اُس نا سمجھایو تے کہیو ”توں نہیں مریو، مردو وی کدے بولے؟ چل مہارا سنگ
گھی کا گھڑا چک ہوں تنّاں پیسادیوں گو“ بس وہ اٹھ گیو اُس سنگ ٹر پیو۔



گھڑو چک گے شیخ چلی پیو سوچے تھو بے
 انہاں پیساں نال اک ککڑی لیوں گو۔ ککڑی بچہ تارے
 گی۔ انھاں ناپالوں گوتے فریج ککڑی ہو جیسی گی۔ پھر
 ککڑی بیچ گے ہوں بھید لیوں گو۔ جس ویلے بھید کافی
 ہو جیسی گی۔ ہوں انہاں نانچ کے ڈنگر لیوں گو پھر ڈنگر بیچ
 کے مھیس لیوں گو۔ مھیس بیچ کے زمی لیوں گو۔ پھر ہوں

بیاہ کروں گو۔ بیاہ کر کے میرا نکا نکا جاتک ہو جیسی گاتے یہ کہیں گا ”بھاپا! بھاپا روٹی کھالیو“
 ہوں کہوں گو ”ہوں نہیں کھاتو“ نہ کہتاں اُس نے سرنا زور سنگ چھنڈیو تے گھڑو
 ڈھے گیو۔

سوداگر لگو کہن ”تیں میرو گھڑو بھن چھوڑیو“
 وہ لگو کہن تیرو گھڑو بھج گیو تے کے بڑی گل ہوئی۔ میرو بنیو بنا یو گھر ہی اُجڑ گیو۔ تے
 توں گھڑا واسطے روئے“ تے شیخ چلی اتے بیس گے زور زور سنگ رون لگ پیو تے سوداگر اپنا
 راہ لگ گیو۔

سوالات کا جواب دیو:

- ۱۔ شیخ چلی قبر ما کیو سو گئے؟
- ۲۔ لوک کہانی شیخ چلی ماں کتنا کردار ہیں؟
- ۳۔ شیخ چلی نے پھر ور کے چاؤ تھو؟
- ۴۔ شیخ چلی کیوں رون لگ پیو؟